

袁中郎詩集

國學基本詩選

清代禁書



上海
大中華書局
印行

弁言



瓶花齋集晚明袁宏道石公譚乾隆間抽燬書藉之一也石公詩文皆負盛名文以秦漢樹骨而行氣則得力於大蘇詩宗浣花又兼有中晚兩唐諸家之勝初刻皆長洲陳元素序其集曰長公嘻笑怒罵無非文章石公妙得此解隨所耳目俱可書誦今讀其文無一字不肖長公無一字勦長公亦猶長公之於秦漢辟諸醜醜酪而食者不覺醜醜之卽酥酪也故謂石公法秦漢可也又曰予昧石公詩而賀奇同僻郊寒島瘦元輕白俗殆無不有夫奇僻寒瘦輕俗數者亦杜有也俗儒直取其高聲壯語以爲眞杜愈近愈遠徒令識者嘔噦而石公以有激力矯之甯以病病不欲以不病病故知石公深於學杜者乃所爲眞

杜也觀此而石公詩文之勝概可見矣惜自禁燬以後傳本已不多觀今抱殘守缺幸主人覓得明萬歷原寫本用付鐸焉屬序於余余憶原本有陳氏一序今已漫漶不可復識爰爲撮記大略以弁其首亦不沒古人之真之意云爾

宣統辛亥閏六月珠湖獻膏氏識

MG
I222.748(1)
8

——次目集詩郎中袁——

清代
袁中郎詩集目次

戊戌元日潘景升兄弟偕諸詞客邀余及洪子崖知縣踏青真州東

郊以雲霞梅柳句爲韻余得度字

題潘生小像生嗜酒時將別

潘景升穀日生同諸公小集得穀字

廣陵別景升小修

過高郵

淮安舟中四首

過露筋祠



3 2167 5389 1

——版出局書華中大海上——

漂母祠

淮陰侯祠

經下邳

宿房村

紀夢末句遲之揚州詩

徐州道中

燕子樓

子房山謁子房

過彭城弔西楚霸王

爲楊粉署題小像

濟寧守邀飲南池

濟寧舟中

飲馬長城窟行

長安有挾斜行

結客少年場行

釣竿行

秋胡行

妾薄命

有所思

善哉行

猛虎行
相逢行
悲哉行
門有車馬客行
短歌行
京洛篇
鰕鉏行
升天行
權歌行
飲方湄津齋中

德州舟中清明

青縣贈潘茂碩

入燕初遇伯兄述近事偶題

梨花初月夜

夜深同伯修月下觀梨花

暮春同黃無淨曹季和黃昭質家伯修遊高粱橋

三月二十八日曹季和邀遊嶽祠置酒靈慧寺中

宿西山碧雲寺水亭上

出城觀柰子花遇大風至韋公寺而還同遊爲顧升伯李西卿家伯

修

古樹

送劉都諫左遷遼東苑馬寺簿

夏初黃無淨邀同項立池諸公及家伯修泛舟二忠祠

尊經閣偶成

學齋留梅子馬

送張西麓之任羅平

秋日同梅子馬方子公周承明飲北安門水軒二首

遊滿井

天壇四首

貞壽詩爲馮太史母

古詩爲楊中翰母中翰生十日而亡其母

香山

昌平道中

兒開美殤江進之書來始知 四首

得舍弟徐州書 二首

劉常侍水軒 四首

尊經閣偶題

雙寺逢本上人

伯修齋中

坐小修齋中

送白教諭之昌邑

送艾教諭之鎮安

別方子公

冬日襟興 四首

遣姬

閒居 六首

戊戌初度 四首

羅隱南王章甫小集齋中說舊事偶成 四首

美人臨鏡 四首

大人壽日戲作

冬夜同黃平倩兄弟董玄宰家伯修小修集顧升伯齋中劇譚偶成

送武岡州判張子之任

戊戌除夕

己亥元日晨起

贈黃平倩編修

人日

穀日懷潘景升

燈市和三弟

十六夜和三弟

燈市

題龍騰山房

王氏雙節

和陸放翁初春遣興次原韻

二月十一日崇國寺踏月

偶成

看月

花朝日白蘇齋看梅

花朝日伯修初度

柳枝詞

遊滿井

遊高梁橋

昌平道中

裕陵陪祀示潘尙寶王太學弟小修

長陵

暮春同謝生汪生小修遊北城臨水諸寺至德勝橋水軒待月時微

有風沙 二首

謝在杭鍾樊桐諸兄集郊外

和韻贈黃平倩

卽事和韻

送顧升伯出使還吳 二首

送李湘洲使浙 二首

送夾山舅令太原 二首

送黃貞父令進賢

崇國寺葡萄園集黃平倩鍾君威謝在杭方子公伯修小修劇飲

端陽日集諸公葡萄社分得未字

和鍾君威花字

和黃平倩落字

和伯修家字

和方子公童字

和小修掃字

丘長孺自塞上來

夏日同江進之丘長孺黃平倩方子公家伯修小修集葡萄方丈以

五月江深艸閣寒爲韻余得五字二首

和丘長孺

和小修

和方子公

和江進之

和伯修

和黃平倩平倩有文君盤出以行酒

顯靈宮集諸公以城市山林爲韻 四首

顯靈宮夜歸

酒正喧蕭君席上作蕭時居城外

和江進之襍詠 四首

丘長孺醉歌和黃平倩

德勝橋水軒集諸公詩

避雨崇國寺三日紀事

吳人求別詩

節壽篇

又代作

七月二十一日有憶偶題

伯修齋中同汪參知諸兄共譚

秋日集江進之王以明方子公王章甫小修飲崇國寺分韻得邦字
贈王以明納質歸小竹林

十景園小集

九日大慧寺登高遲家伯修黃平倩不至

崇國寺同王章甫小修看月

過通州

盤山道中嘲寶方死心寂子三和尚

宿千像寺柬鍾刺史

石雨洞

入盤山

盤山頂

遊天門開

戲贈死心和尙死心以秀才出家

寒溪道中

贈大宗長老

入紅螺嶮道中紀事 三首

初入紅螺嶮

月夜登良鄉塔岡與子公諸友作別

涇陽驛見王子聲壁間韻槍然有述

真定大悲閣同王六宇年兄及小修弟登覽有述

趙州觀水壁憶真際和尚

過黃梁祠二首

叢臺

繁臺張昭甫給諫竹居王孫邀飲留別

宿朱仙鎮四首

(1)

清代
禁書
袁中郎詩集

石公袁宏道中郎撰
麻城陳以聞無異閱

戊戌元日潘景升兄弟偕諸詞客邀余及洪子崖知縣踏青真州東郊以
雲霞梅柳句爲韻余得度字

一里一停棹搖搖駐青霧歌長牙板溫酒響觥籌度雪盡露山身沙平吞水步
澗冷澁春泉芽香吐枯樹

題潘生小像生嗜酒時將別

潘生肉頰權微起面貌長在酒杯裏何人傾出酒波來灑向溪藤五尺紙憶昨
逢君黃山道窄帽單衫立深艸江上追隨又一年缸面甕頭幾回倒殷勤留取

篋中身別後看誰先瘦老

潘景升穀日生同諸公小集得穀字

山雪泮冰鱗江風起羅穀十年九羈旅萍海聚骨肉白藕雪凍絲紅魚剖脂腹
主人前置罍醉語顛相屬華髮不同根義規無返轂只此七尺五無兩三萬六
世儒罍禮樂勸我導君穀豈惜一微言爲君籌已熟導君以達生達是君所足
導君以憂生憂非我所欲澤廣定生龍山高豈礙鴟

廣陵別景升小脩

搔頭幾日見新絲二月河橋上馬時長短官街驚夢鼓高低楊柳甯腸枝江烟
一擔充行李流水三叉各路歧北地南天千萬里青巾白帽幾人知

過高郵

白浪洗孤隍萬室魚蝦氣居民若水族來往波間戲曉風龍子鬪夜雨蚌精至
壘石作湖堤豎柵塘水勢官家一丈石民間一斛淚治渠如治虜智士無中計
千里築黃金猶苦西風厲

淮安舟中

別思抽如緒醒醒也不休觸篷風自語研檣浪相揉野釣空舟側荒窰古渡頭
微官真可笑諺語拾薑猴

二

兀兀嘆淫滯西風兩日餘近床鋪紙葉研粉類方書觸目無非網登盤只是魚
荒村經水後十屋九家虛

三

(4)

空郊不可行積礫與蒿平
菌耳懸枯木燒痕入古城
按圖知舊壘認柳識郵程
一望淮陰墓令人百感生

四

河堤千里道柳縷萬條腸
客是粘愁蒂禪爲治苦方
鄉思魚子飯酒夢蛤蜊湯
漸覺讀書懶游蛛網筆床

過露筋祠

鍊索界黃沙石羊吹古道
下有露筋祠荒螭臥深艸
夜月水花香西風杉葉老
空房聚牧兒蒿根食鄰媪

漂母祠

劉宗火冷韓灰滅洗衣墩上
蘋花熱一飯王孫直許錢
消得鸞刀幾迴血荒街

日夜走黃塵西風酸斷石麒麟笑他白首女天子不及沙頭愚婦人

淮陰侯祠 淮陰云解衣衣我推食食我

秋郊兔盡韓盧窘三尺青蛇捲鋒穎到手山河擲與人却向雌鷄納腰領英雄
極足歸羅網辯士舌端空來往本將衣飯畜王孫未許肝腸敵亭長一局殘棋
了項秦五湖西子白綸巾貪他一顆真王印賣却淮陰跨下人

經下邳

諸儒坑盡一身餘始覺秦家網目疎枉把六經灰火底橋邊猶有未燒書

宿房村

野廊吹加勁膏微影漸黃殘壇煨糞火敗絮擁高床站遠酸皮骨沙飛溢胃腸
離魂相伴住合眼見江鄉 糞火出涅黎經

紀夢末句遲之揚州詩

一尺殘膏到曉明五更霜裏萬千情依稀夢得遲之句紅映樓臺綠映城

徐州道中

西風吹日夜千里旱沙黃馬急知韁促人疲覺路長安心猶有法醫懶却無方
何不遂長往淹淹名利場

燕子樓

窗書畫掩紅紗隔一夕溫風長葵麥秋去春來雙燕兒年年啣紛紛粧額芍藥
苑枝不死根焉知黃土不青春幽魂異日逢楊柳應悔生前別舍人

子房山謁子房

蓮花冠子紅犀導雪面風髯一年少夢裏山河博幾場抽身咲指長松道英雄

老盡故交稀
眼底修毛幾
翅飛功成辟穀
或有以未必
神仙須布衣

過彭城弔西楚霸王

一騅渡江東
猛氣不可觸
隻手挈河山
英王盡奴伏
鴻門放亭長
肝腸何煜煜
猛虎快吞啖
終不噬伏肉
劉項敵道
某一先成隕
覆亞夫
眞聖眼
西楚亦王局

爲楊粉署題小像

鶯溪冷絹花紋澁
四尺春波吹粉墨
幼輿豈非丘壑人
筆底瀟疎誰貌得
高人
氣韻不在似如寫
寒松與幽卉
寬眉廓額
信手塗踈淡
只似鋪山水
馬遷文章
杜公詩此意却許徐熙知

濟寧守邀飲南池

踏影入春叢
碑荒榻半空
樹分菱藻月
灘響鶯鷺風
落絮粘行牘
殘觥謔小童

夜深鈴卒語窗外一枝紅

濟寧舟中

河口三十仞懸水如橫嶂一夜糧船風送我至南旺離家日幾何倏忽易枚望
水郵無定程一聞隔天上百里飛黃沙乾風裂綿纒蚤與人爭席泥波充五臟
三十何所成勞勞覓虛妄如彼上水船進尺而失兩

糧船風三月
風也長年語

擬古樂府

樂府之不相襲也自魏晉已然今之作者無異拾唾使李杜元白見之不
知何等呵咲也舟中無事漫擬數篇詞雖不工庶不失作者之意具眼者
辨之

飲馬長城窟行

長城水鳴咽夜夜作秦語問子何代人防胡舊軍旅冤魄滯孤魂不得歸鄉土
白水洗白骨癩盡水酸楚洗多成黑流水性毒于蠱立馬古戰場長嘶待天雨

長安有狹斜行

按金駒立長溝枇杷落盡菜萸秋山西女兒帕勒頭面上堆粉髻堆油二十五
絃彈笙僕猩紅衫子葡萄紉笑問南裝如此不

結客少年場行

結交徧四海鄉人無半識恥納無意儒寧結有心賊白手一布衣喜怒關通塞
將相每在門望氣如望職易卜天昏晴難候君顏色頭顱可擲人一顧不可得

釣竿行

嚴灘一絲名渭水一竿勢所釣非所求臣鱗安得至不如無名子心胸少根蒂

朝隨鷗保歌夜引魚蠻醉探水如探囊隨手得編鱖鮮蔬羹活魚無鹽亦有味

秋胡行

堂上姑待汝哺袖中雖有金不堪贈彼姝妾懷如日君情若泥路旁之心不自
保安保他國無蛾眉沙浩浩水咽咽妾死情不死節河水如可竭妾腸當再熱

妾薄命

落花去故條尙有根可依婦人失夫心含情欲告誰燈光不到明籠極心還變
只此雙蛾眉供得幾迴盼看多自成故未必真衰老辟彼數開花不若初生艸
織髮爲君衣君看不如紙割腹爲君餐君嚙不如水舊人百宛順不若新人罵
宛若可回君待君以長夜

有所思

人生如驛騎往復無停勒
胸懷無盡絲漫天作虛織
秋霜與春風乘間遞爲賊
衰老迫紅顏白髭傳消息
積雪填枯井井深填不得
眉棱萬斤重白日沉幽墨
欲行戒嶮難欲飛防繒弋

善哉行

今日相樂式舞且歌
鷓絃鐵板白面青娥食羔以七盛酒以盆刀鱗亦厭何必
河豚儒迂墨儉跖非堯是善哉諸君請入禪裏讀書不成學仙寡效鼉腹鷓枝
從吾所好

猛虎行

甲蟲蠹太平搜利及丘空
校卒附中官鑽簇如蜂踴
撫按不敢問州縣被訶斥
趙掠及平人千里旱沙赤
兵衛與郵傳供億不知幾
即使沙金官支已倍蓰

鑽徒多劇盜嗜利深無底一不酬所欲忿決如狼豕三河及兩浙在在竭膏髓
焉知疥癬憂不延爲瘡疖

相逢行

行行卽曲巷曲巷多蒿艸窻路掠蛛絲讀書歲月老壁上榮祿圖手裏黃石編
當盡三時衣不直數緡錢兒女無禪著常時煨故紙稅地植桃花十樹九樹死
君莫悲腐艸腐艸發光耀玄霜畏冬青白髮傲年少

悲哉行

石馬立荆棘荒城叫老狸昔時冠帶人唯有鶴來歸宿志慕長生朋黨盡刺譏
父母不我容碧海三山飛朝牧老君龍莫守劉安鷄仙家歲月長桃子三垂枝
歸來見荒塚半是孫曾碑城池百易主族里無從知古人悲夜繡今我亦似之

白骨不可語鶴歸空爾爲

門有車馬客行

門有車馬客錦烏欄紗巾寒毛接短鬢絲絲紗與塵問子何勞勞上書西入秦
八年始一命官卑不救貧冒霜揖槐柳望灰拜車輪一身百糾縛形如一束薪
手纏不自解利刃寄他人蔗與蘖同餐雖甘亦苦辛

短歌行

酌君易州之清醞被君吳閫之織綺男兒三十無所成腰肢一半沒青艸趁輕
健買驪裘哭聲多睽聲少黃金蕩盡君莫嗔古來餓殺幾賢人

京洛篇

煌煌京洛城朱衣喧廣道白首賤書生驢鞵掛詩艸懷刺謁恩門門卒相輕眇

十上十不達登街顏色槁
登身事貴公習諛苦不早
罩眼一寸紗茫茫遮人老

鍛組行

鍛組出潢潦道逢東海使
魚服而介身呷浪以相戲
物微恐見侵跳波爭努臂
東陂招能兄西谿喚螺弟
水虫萬餘種各各條兵議
聚族鼓鱗蠶不能當一噓

升天行

乘赤露鞭鸞轍路逢王子
晉玉簫已吹折織女弄機
絲餘緯爛霄闕下土蟻虱
民誤喚作雌霓張翁老且
耄舉止多媠藝侍仙三萬
年不曾見隆準真人多竄
左天狐慘餘孽義御失長
鞭牽牛曠河竭

權歌行

妾家白蘋洲隨風作鄉土
弄篙如弄鉞不曾拈一縷
四月魚苗風隨君到巴東

十月洗河水送君發揚子揚子波勢惡無風浪亦作江深得魚難鷓鴣充饑
生子若鳧雛穿江復入湖長時剪荷葉與兒作衣襦 魚苗風洗河水皆長年語

飲方涓津齋中

山齋多快事彈棋角盃爭衛水齧墻流瓶中見帆瀉魚鷹窺筆床溪花亂枰馬
開簾觸新韻高吟對梧檟

德州舟中清明

俯仰一小籠焉知昞朔易空裏躍紅粧始覺清明至累累烏角丸濁香滿唐肆
麥苗鬚馬駿高低疊青翠柳嫩碧芽馨泉煖土膏膩空郊逢醉娘鞦斷紅衫墜
客中覓舊題開卷省前事夢裏別杭州一枕西湖淚

青縣贈潘茂碩

竹葉遮人吏公移只坐銷印床生木耳廨舍長蔬苗貧邑多詩料閒官有醉僚
一城不數武容得幾科條

入燕初遇伯兄述近事偶題

撇却閒書冗殘書且自哦官貧人事減客久面紋多壞壁塗僧像高鷄見鳥窠
詞曹雖冷秩亦復愼風波

梨花初月夜

梨花疎點貼窻流斜月笙簫處處樓醉裏不知花是影隔紗驚喚小楊州

夜深同伯修月下觀梨花

涼月浸梨花空庭雪數武皓質而豐肌有似京城女物忌太鮮明能保不風雨
一夕百眇望眼中生芒縷薊酒瀉空疊移榻坐塔午瓶甕臥樹根兒童僵柱礎

天欲月漸沉微微動街鼓袖裏索講章徘徊出亭戶時伯修爲文華日講

暮春同黃無淨曹季和黃昭質家伯修遊

高粱橋

東風織溪面細緯疊春羅長波將人影直直入宮河一萬樹垂楊無枝不繫珂
闌貴馬嘶風飛彈睫前過精藍如兜率朱碧鮮且多微沙障西山羅穀中青娥
隨蔭卽張席禮法捐煩苛高車載美酒傾瀉若洪波歸路及嚴更門尉稍譙啊
憲令禁肩籃醉卒控疲騾

三月二十八日曹季和邀遊嶽祠置酒靈慧寺中

一縫納傾城江河倒瓶甕人肩承馬蹄百里接飛鞚神粧金粉鮮璜壁嵌飛棟

天家出名香梅檀作薪用掖廷千許人緋羅刺文鳳常年三月終宮監恣獻貢
庭中百恠陳歌呼殊萬衆趨走稠人場昏荒如晝夢禪寺稍空曠置酒羅鮮供
塵埃不到唇高議窺鴻洞席終陳雅戲鈎發每奇中西日沉朱魄歸鞅尙不動
醉餘踏高閣俯視聽雷闕萬古同一禪安問知與謬

宿西山碧雲寺水亭上

涼夜水浸夢枕上吹寒雨屢變而失真江行聞篙艣倏然聽松風天目半山許
舉首見仙人雲中捉松鼠醒時月挂簾穿階流一縷石竇激寒淙空水互吞吐
日日居朝市合眼見塵土始悟山中人夢境亦清楚

出城觀柰子花遇大風至韋公寺而還同遊爲顧升伯李酉卿家伯修

終日惜柰花一身苦牽羈半月始得行垂老翫姜姬飛鞭出重城修途會封姨

撲面吹砂礫熟馬昏路岐白日恣狂靈彌空塞琉璃舉頭觸橫柳烏紗冒高枝
一步一摧折歇馬憩仁祠山僧出慰勞白水泛槍旗諸餘小比丘目腓心刺譏
未聞看花人罩眼對春姿馬疲人亦困酌酒聊寬脾不獨負花約兼亦怖天威
自我入京來無日不沙飛四月雙重綿立夏無春時司尹省惟日愚賤安敢知
長歌擊流水驚起雙鷗鷁

古樹

樹老亦如人骨勁皮皴裂百卉爭繁華一枝冷均鐵強陽發空心紅芽吐枯節
有若老翁醉頰頤照頭雪姿態雖寡妍根株免摧折百遍閱春風冰凌傲石碣
不似天桃花容易與春別

送劉都諫左遷遼東苑馬寺簿

三年憂國計鬢髮飄霜霰世事閱飛波場偶觀時變遼陽雖左謫前箸可借便
 昔時風聞者眼可得而見倭奴逼朝鮮虛費百億萬竭盡中國膏不聞蹶隻箭
 東虜近乘勝虛聲震京甸我兵折大將腹背兩受戰辟如相撲人舉手先救面
 棄遠固不可失近豈爲善公宿負奇策下馬可措辦志士立功名不在麒麟殿
 卑官如冷場英雄聽鍛鍊奇謀若可展簿尉何足屨胸臆不得行三公猶爲賤
 夏初黃無淨邀同項立池諸公及家伯修泛舟三忠祠

京師百戲都所少唯舟筏御水落漕渠淙淙流一髮凡目未經見雖少亦奇絕
 何況集棠舟遊遨似吳越菱蒲得水長鳧鴛避沙熱朱碧好亭子稀疎出林樾
 雙航無定質隨波作周折遇樹卽停帆因風或回楫闌水高十仞百斛量珠屑
 駿馬下危坡疾雷震空碣西門亦有水寬丈深寸尺計較今昔遊居然分勝劣

長跪謝主人舉酒旌勞伐朝日照來騎歸途見微月

尊經閣偶成

一月戶長扃幽廊雨過腥雲生山被酒客去鳥聽經碑古漏痕徧槐高日影青
鄭家書帶艸隨意滿齋庭

學齋留梅子馬

踏盡高槐影青虫落酒巾袖懷三月艸衣浣一年塵夢裏聽朝事杯中覓聖人
貧廚非大祭未有肉留賓

送張西麓之任羅平

正馬夜郎西層山萬綠齊空江行罔象瘦嶺出偏蹄番牒多如篆蠻歌乍似啼
僻鄉名蹟少慎勿厭標題

秋日同梅子馬方子公周承明飲北安門水軒

秋容瑟瑟上菱蘆湖上青山鏡裏姝碧瓦黃墻宮樹裏湧金門外看西湖

二

閒對枯槎興釣緜暮雲斑駁似龍鱗青山不許談新事白鳥如曾狎故人宮閣
參差十里水衣冠包裹一生塵西門車馬東門月冷熱從誰問假真

遊滿井

怪我頻來去無樽亦嘯歌店荒醅酒濁僧近施茶多竹裏分黃闕波間語翠娥
溪光最勝處高柳蔭長坡

天壇

空壇深淨駁琉璃禿髮簪冠老導師銅杏金塗秋艸裏如今不似世宗時

二 李後主呼天爲碧翁

碧翁難道是無情分合千年議不成不得寧居天亦苦古來多事是書生

三

六年通籍濫儒紳正馬天街觸路塵慚愧黃冠羽衣者朱籠雙引亦呵人

四

僊苑桃花朵朵香曾於天上看霓裳劉郎老去風情減閒把音容問太常

貞壽詩爲馮太史母

寶髻暗塵灰隻鳳啼曉額舉眼望愁空蒼蒼不如石篋裝能幾何典髮買書籍
孤燈瘦形影寒幃風雨夕廿年立孤成名字照丹冊宮錦到地紅霜心與頭白

古詩爲楊中翰母中翰生十日而亡其母

十日無知識那知有慈母稍長聽人言一言一酸楚
辟如少唐兒原不知鄉土
從人問里廬悲咽淚如雨哀怨本由衷焉知涕無從
一封黃紙詔十里白楊風

香山

永陵幸西山語侍臣云
諸山惟香山有翠色

真人天眼更絕倫翠色香山此語真八十老僧牢記取
一時三遍語遊人

昌平道中

菴前乞得老僧茶一派垂楊十里沙烏籠白籃憑揀取
麝香季子枕頭瓜

兒開美殤江進之書來始知

一春懷緒熱茫茫夢裏無端也轉腸小弟書來怕愁我
寒溫虛作兩三行

二

官程屈指二千餘頗怪眞州消息疎七月始傳江令字
道兒亡在秒春初

三

說着旁人也痛酸余今寧有鐵腸肝十年送却六男女已作尋常離別看

四

識得乘除理自明梅蘭焉肯一時榮黃泉若覲先姑去好與曾登作伴行

曾登皆伯修子先亡

得舍弟徐州書

開船已是四旬餘纔得徐州一紙書內中數語朦朧甚見了愁于未見初

二

佳人生死不知聞辜負梨花一面雲昨日宮羅新裁剪爲伊留得半拖裙

劉常侍水軒

入室翠層層秋容分外澄
花分西內種樹古北朝僧
波淨寒生簞峯高夜見燈
墨光濃淡裏山水趙吳興

二

隨意移床枕無窗不可眠
西山籬落下流水卷爐邊
菱葉遮城壘荻花隱寺田
兒童私打網時有白魚鮮

三

竹藥崩沙岸槐根出釣磯
卷簾山放入打菓雀驚飛
護樂添新幕拋毬換短衣
倦來觀洗馬鞵絡盡珠璣

四

敞屋高臨水卑垣輿作廬
山僧能呪樹童子解醫魚
劍玦充文具歌謠集古書

之乎亦不識糟却幾盈虛

尊經閣偶題

長戚戚何爲曲肱愧孔尼
艸髡留敗砌樹老落乾枝
飛鳥啣殘字園丁搗舊碑
鄰齋四五叟日日染愁髭

雙寺逢本上人

高僧如瘦鶴懶得著袈裟
雪案堆莊子花函出內家
問方醫病竹郵水泛春茶
一室沉香氣青烟吐白紗

伯修齋中

幾點秋毛染髮斑深衣長褐古銅鑲榻邊
石骨抽枯筍盆裏松根露淺山霜月
洒來如白酒菊花老去變紅顏雞聲未動聽宮板
已在車塵馬足間

齋中偶題

凍風吹落壁間塵，溫閣投花養瘦鱗。
山水情多長愛畫，旃蘭氣少亦清人。
錯疊側畔觀時變，冠帶場中看偶新。
野語街談隨意取，懶將文字擬先秦。

坐小修齋中

寒日籬花少，虛窗尺五餘。
硯皴呵繡墨，壁老剝虫書。
定業詩調治，幽憂酒破除。
家人攀釜看，綈錦當黃糈。

送白教諭之昌邑

依舊中山氏，長然卽墨侯。
衣寬存禮樂，篋敞裹陽秋。
渤日流紅暈，鹽花上黑頭。
到時圖海市，東去是登州。

送艾教諭之鎮安

一百二秦地三千五去程山鮮充豆品野服禮諸生把卷聽夷樂開軒見虎行
猶將京國意一洗近邊城

別方子公

霜天客病難何況千里去空囊唯敗錐飢程如何度客店指煤烟窮烏啄冰樹
丁丁羸馬鈴終夜相伴住懷刺二十載畢竟無一遇瀉淚憶黃金相仇復何故
聰明百倍人百筭百成快日日扶搖風不肯吹飛絮天高畫戟門誰是恩深處

冬日禱興

殘菊收新藥丹書綴斷硯呵膠婢指苔老夾冰錢百衲支風慣空盃見雪顛
緘書報知已霜滿蠟花箋

二

瀉紙羅紋滑飛杵
石子寒菊衰
愁別蒂鶴老
夢歸灘香重
紅膏泣粉枯
白蠹殘
寄聲詢衲病
馳帖報花安

三

雪炷抽寒炤
辰香掃灸塵
譜詞分侍女
鬻帖與門人
邊信封黃鼠
鄉心想白鱗
卑官與大吏
一種逐蹄輪

四

殘帙隨風卷
閒窗盡日哦
膽瓶青剝落
梵唄語殺吡
寒節逢人少
新詩說酒多
小蠻持管咲
呵墨寫長蛾

遣姬

蠶懶無心更作絲
樂天未老別楊枝
陽臺不是嫌雲雨
圖得生離勝死離

閒居

麤帶絲袍強束身北風雖厲不吹塵
軒窗盡日閒諸史眷屬經年斷五辛
官牒注來呈府吏俸錢支得與門人
床頭一夜西湖語霜色蕭條上角巾

二

空街羸馬有何榮寂寞繁華兩不成
破懶始知經有味送眠微覺酒多情
腮毛未老隨霜換肺病無根見臘生
收拾閒烟與閒水憑將筠管作干城

三

幽房睡足簾紋紅香鴨灰寒喚小童
絃裏亂流崩谷水瓶中微帶入松風
身心何處謀長策鬢髮而今漸老翁
淨榻如綿窗似洗明眸皓齒話虛空

四

百衲層層煖蔽身道書觀了且存神
懶心不慣思朝事法服無端裹野人
芟葉箋中書小偈柘枝風裏拾陳薪
江湖凍裂冰皮老霜部時時有巨鱗

五

空齋獨坐擁殘薪筆有枯芒研有鱗
夢裏風窗聽似語山中烟樹念如人
兒童也解談東事蕭鼓何因動北鄰
竟日飛蠶無却處一層吹了一層塵

時倭議紛紛

六

霜鶴啣冰且忍饑窮沙休憶稻粱肥
低碁動欲求先著鈍鳥焉能不早飛
身分無多難了事酸迂那得濟時機
長安未有膠粘却日日開門放客歸

戊戌初度

卑官自覺與心安五畝無家去亦難
蘊榻所親唯老易儒衫相對幾孤寒
香茶

每供鄰僧去院樹時同小弟看雪色照簾花
颭水濁尊聊復對空盤

二

禪燈灑灑雪玻瓈貝典將來戒小妻
客裏羈情籠野鷓鄉中春夢闕山雞
灰心竟日疏莊子彈舌清晨誦准提
無限長林無限羽一枝那復計高低

三

閒居心似夾冰魚雪裏輪蹄亦自疎
研酒和來香泛帖瓶花吹落濕沾書
艱深乍覺詩如讖消散方知道是虛
一卷禩華誦未了被人邀得過僧廬

四

清溪曲曲幾千松夢裏開門看鶴踪
鄉計久要桃葉渡客程長念北高峯
笙歌漸漸于人懶山水時時覺話重
六載牽羈成底事不如瀟灑學爲農

羅隱南王章甫小集齋中說舊事偶成

漢江秋淨石粼粼黃鶴樓高不見塵今日樓臺歸劫火眼中猶聚上樓人

二

萬瓦如鱗繡作堆別山重見禿翁來晴川閣下南條水一日同君蕩幾回

三

珠樓曲曲貯仙娃一帶風窻十里紗記得中和門外路女牆東去是他家

四

廨居逼近紫微堂白火青烟五尺床鈴柝夜寒聽不得鷄鳴先起着衣裳

美人臨鏡

一片湖州水吹光到曉堂暗規時世樣校取淺深救山髻平分疊宮眉與鬪長

常時梳掠罷背底立何耶

二

強起淹餘睡柔多豔亦多笑時添兩靨恨至疊雙蛾印指生寒暈分釵割水波
休將明月比仙子不如他

三

野豔雲爭出幽閒萼並頭分明呈舞態只是欠歌喉西子不離水綠珠長在樓
娥英若令見匣取洞庭秋

四

百看百如意隨他作笑顰回釵生潘影分耀及旁人睡少添眉重思多理注類
面光滑似水脂粉不如塵

大人壽日戲作

時臘月十二日

堂前冬青樹霜至葉婆娑鷄鳴起衣冠兒郎盛綺羅八十兩大家鬢髮如鷺叢
 微笑動頰頰鳩杖手摩挲平明啓扉闔戚黨相經過白馬繫垂楊雲冠高峨峨
 或呈履與襦或盛練與綱紛紛貧族子趨走供鶩鵝門下諸術人諛口若懸河
 命宮直田宅晚子更高科東鄰老書塾儒衫衣敗荷方丈詩一篇高聲自吟哦
 社中諸法友勉力事禪那光陰如電掣溫言相切磋二壻白湖來青衫夾兩騾
 入門疾奔趨不顧坎與坡庖丁膾魚肉蠻奴治酒醴甕開一徑香決口溜江波
 金綠燦俳優豔綺列青娥開場演蟠桃牙板隨高歌袖錢出龔李濃酒睡曹何
 蘭膏盡一斛上馬五更多京華宦遊子朝夕思舊窠夢中聽笑聲一寤出雲蘿
 冬夜同黃平倩兄弟董玄宰家伯修小修集顧升伯齋中劇譚偶成

瓶火激焦聲，釭焰吐紅膩。吳酒貯楊妃，幽香瀉荷芰。格外發狂譚，一呼醒羣睡。
涼颺入檀林，敗葉皆香氣。人間塵土事，了不關腸胃。百年深障習，一分留文字。
抽空出妙絲，劈天展高翅。碌碌彼人奴，餘羶蔽天地。鉛刀咲魚腸，鼻毛遮翡翠。
鑄金哭坡仙，百世想標幟。

送武岡州判張子之任

雉堞倚山鄉，青娥立曉堂。胥徒勤檢點，蠻語細參詳。湘竹裁荆杖，藤花上牘床。
荒衢通野落，士女半夷裝。

戊戌除夕

除夕何所除，匝地除寒氣。除却好年光，不曾除世味。石小聚香多，鱸焦聽酒沸。

供佛洗頻婆插瓶鮮老卉脫篋理新裝藤紙萬餘字蠟火照鉛丹如欲見腸胃
時事不堪書下筆每驚悖道書參謎機禪理供嘲戲

己亥元日晨起

鷄鳴拜聖人同官六七輩絳衫如葛絺爐香起青藹古柏老于儒拱揖向庭內
花氣熏一城沙轂市茫昧官卑心亦暇騎馬看年對

贈黃平倩編修

窓前獨種菴婆羅石火風燈不浪過箱帙夜繙塵牘少客衣春晒衲頭多毫端
澆漆書巴水枕上囀囀夢小峨詩有餘師禪有友前希李白後東坡

人日

旅况無些子空扉閱廣輪氣寒薪少力客謝凡生塵心切投林羽身悲貧汰鱗

滔滔入盡是未始出非人

穀日懷潘景升

西湖多少地客信也難知流落依何氏
巉岽入幾支吳娘曠罄橐杭粉上愁髭
記得拈盃處題分穀字詩

燈市和三弟

鄧倅贊二音皆
可讀漢書音贊

摩肩盡冠簪呵呼接留鄴空天蔽幃裳高衢泥馬汗古肆列商周異物窮番漢
瞠目不能名橫陳失真贗僻書與蠹蹟種種覓心翫突然發一編如窮歸里閉
輕紗障朱樓烟裏露微粲笑韻自空飛幽香度簾蒜不覺履綦疲唯愁眼光慢
衆中慮相失一步幾回喚

十六夜和三弟

涼月如霜鑿薄帷空盃無計覓糟醪買鏡聊復歡兒女弄筆粗能遣歲時花火
每攢騎馬客蠟光先照走橋姬少年樂事今無幾近老方知此興衰

燈市

六街花粉蔽蹄輪一簇香飛紫珞塵請看樓下號呼者卽是當時樓上人

題龍騰山房

急雨朝翻箔飛泉夏入廬竹高遺鳳子石長出雷書山鳥銜雲語園丁帶翠鋤
南岡北嶺艸枯却幾年餘

王氏雙節

玉折苦相仍彤編合並稱淚枯雙井水心死萬年冰惡粉常芟竹淒花每避鏡
霜眉白似纒閱盡幾衰興

和陸放翁初春遣興次原韻

疎散庸庸寄一官，匡床趺坐覺身安。
聊將古道酬賓客，免把閒思累腎肝。
螢火幾時能脫腐，醯雞無日得離酸。
東風已放西門柳，凍水冰條亦解歡。

退之雕肝鑿腎

二月十一日崇國寺踏月

寒色浸精藍，光明見題額。
踏月遍九衢，無此一方白。
山僧盡掩扉，避月如避客。
空堦寫虬枝，格老健如石。
霜吹透體寒，酒不煖胸膈。
一身加數氊，天街斷行跡。
雖有傳柝人，見慣少憐惜。
惜哉清冷光，長夜照沙磧。

偶成

入秋寒已來，將夏春未至。
煖氣與寒官，相值如相避。
麥田無寸青，山容添老頹。

古梅不敢開何況桃李媚京師重拜客酬答有成例強起出西街天風吼濤勢
飛沙澁齒牙霧眼揮酸淚未必諸高官不省塵霾氣

看月

良月下空窗秋水浸細裘寒氣迫衣來垂帷禦風入驅風月亦驅轉若磨舊識
端坐不可忍強起下簷立苦酒呼一盃聊以寬風力不惜待陽和三春光景失
永夜伴清暉寒士寒亦得

花朝日白蘇齋看梅

一倍惜花時寒香滴酒卮幸依無事客且喜不蟠枝近枕通幽夢安禪伴淨尼
未知白蘇老酬唱幾番詩

花朝日伯修初度

紅葩點點灼青樹開尊正值花無數不知庚申是何年但道桃花開幾度玉堂
署裏課葵蔬鸞鴛池邊領鷗鷺新年詩興更勃勃墨汁淋漓染素鷺雷忽發
萬山芽俊鷹陡落平原兔一束牛腰足自驕九陌飛塵何所慕花下兄弟睦州
禪夢中烟月油江渡擬把一竿隨丈人不向天家作師傅

柳枝詞

江南柳絮已紛飛河北垂楊未析枝一種青娥嬌眼女南家嫁早北家遲

游滿井

出東門子城古道三五折破石蹶荒丘云是故元碣燒柳發柔條臥槎吐紅節
石溝注涓水寒鑑瀉空潔燕女競遊驂羅襪帶春雪梅花堆鬢髻波影動文纈
青山酣遠容新鳥困啼舌紅塵視此地如穢與迷迭汲泉烹一盃肺腑沁香冽

不惜看頻頻可消奔競熱

遊高梁橋

花時晴色釀芳原出郭猶如出檻猿霧質風梢新柳縷
皴皮瘦骨老藤根紅雲尾變知魚熱白繚紋繁覺水溫
耳聽碧流心翠嶺閒談恰已到山門

昌平道中

柳條新婉變麥隴漸柔豐閃日雲光薄翻空旆影紅
馬嘶不見蠶穀響但聞風恰爲青山去青山塵霧中

裕陵陪祀示潘尙寶王太學弟小修

長陵一聲鍾百官靴革厲雷鳴集簪裳空山醒龍蛻
明月度欹巒四影落虛砌炬光燦松枝千鳥展平翅
紅綬老中官閒語先朝事屈指鼎湖年仙人幾回淚

長陵

長髯真人別天上，鵠馭龍驂轡千丈。
氤氳風蠶滴烟香，空山夜語姚和尚。
霜街寂歷吹松子，皂衣落落穿十里。
小臣有語叩龍鱗，地老天荒呼不起。
溪藤瘦石碧昂藏，馬蹄踏水炬煌煌。
千年山骨憑搜取，當日龍沙戰幾場。

沙
暮春同謝生汪生小修遊北城臨水諸寺至德勝橋水軒待月時微有風

一曲池臺半畹花，遠山如髻隔層紗。
南人作客多親水，北地無春不苦沙。
熟馬慣行溪柳路，山僧解點密雲茶。
滿川澄月千條縷，踏踏蒼波過幾家。

二

無才終是樂官閒，何地何賓不解顏。
乍疊乍鋪風裏水，半酣半醒霧中山。
御溝

板落金鱗出宮樹花飜乳燕還淺綠疎黃是處有泥人真自勝姬鬟

謝在杭鍾樊桐諸兄集郊外

百晤百迴新肝腸絕少塵未言先側耳每笑必傷神落翠沾行恰空罌惑醉人
石潭清到底信出手纖鱗

和韻贈黃平倩

逍遙未必是無官割忘清夢也安入室祇容金相好伴身唯有鑊腸肝蓬萊監
裏真先輩冠帶場中老細酸一帙維摩三斗酒孤燈寒雨夜歡歡

卽事和韻

柳下何曾耐小官青氈緣簡且偷安空窗淨閣銷塵眼時艸新花養病肝廟市
客來詢古字糧船僧至餉吳酸密函恠牒閒搜取鈔得仙方寄所歡

送顧升伯出使還吳

四月西山雨過時，簫吹闌道沸旌旗。
痛憐知己他鄉別，懶作諸王奉使詩。
繞驛青蘆呼水鶴，渡江白笋薦冰鱠。
雕窗畫舸堂堂去，閒解花綳看小兒。
時升伯生子

二

青巒生色水生波，處處吳姬餉酒醪。
震澤有山皆樹橘，虎丘無月不聽歌。
潮田沒去春畦少，儂語訛時怪事多。
近日抽徵知不免，閭門風景看如何。

送李湘洲使浙

咫尺山東道，千艘與萬艫。
郵棲常下鶴，驛飯每炊菰。
閉口聽朝事，降心禮佛徒。
不言知向越，面上有西湖。

二

別路紅橋上無情亦有歌青山遮道石流水拍雲波北闕新知少西湖熟夢多
向來題字處墨瀋遍嗟峨

送夾山舅令太原

踏盡層巖見稔畬爛熳雞犬若仙家公亭客過開生釀石室僧來判種花竹下
簿書閒艸傷山中人吏學烹砂高槐影靜莎遞裏者香散屏空放早衙

公學禮兼好外丹

二

閒將公事了尊壘郭外青山探幾迴從事也因流水出長官多爲踏花來印文
長日封蒼蘚簿筴經年長蠹灰身是嘉祥舊令尹東西歷盡始知才

送黃貞父令進賢

撇却孤山舊葛巾，暫時朱紫縛閒身。高才正不須違俗，七尺何妨也拜人。花裏課書分小吏，山中留偈謝高真。直將數斗西湖水，一洗南州案牘塵。

崇國寺葡萄園集黃平倩鍾君威謝在杭方子公伯修小修劇飲

入門似出門，莎畦布平遠。十畝蕃艸龍，垂天棼鬣壽。古根老巉石，涼蔭厚深巘。茫茫三夏雲，有舒而無卷。分棟理孫枝，鑿泉通小畝。樹上酒提偏，波面流盃滿。榴花當觥籌，但訴花來緩。一呼百螺空，江河決平衍。流水成槽醕，鬢髮沾苔蘚。侍立盡醒顛，不辨盃與餞。翹首望禪中，天地困沈沔。未覺七賢達，異乎三子撰。

端陽日集諸公葡萄社分得未字

榴花颺清渠，漱漱紅波沸。十里菖蒲風，一幪菱荷氣。行年三十餘，辟若午將未。樂事竟虛無，勞勞長世味。試把硃砂觴，一洗滯腸胃。野性發雲嵐，粲若新開卉。

世事本閒閒無端生怖畏無論失算非得算亦無謂不有出世人焉知酒杯貴

和鍾君威花字

官貧僻冷游僧貧僻種花兩貧戲問取身困意何奢數畝葡萄棚下馬如到家
良朋遞指引佳會屢停車竹石能幾何使我心忽還自來慳飲者嚙酒亦如茶
甕瓶高纍纍腹罄臥平沙歡呼達夜半一里無栖鴉藻文沾白恰禪榻倒烏紗
衫欄沾酒盡或恐到袈裟

和黃平倩落字

諸君且停誼聽我酒正約禪客匏子卮文士銀不落酒人但盃飲無得濫杯杓
痛飲勿移席極歡勿嘲謔當杯勿議酒屈罰無過却種種皆歡候達者三大爵

和伯修家字

京師盛重五所在競繁華空庭唯竹石勝之以清嘉藤陰代帷幄禪板代笙笳
荷筒當酒盞藥艸當名花栝栢四五株勝彼百髻丫風篁數枝響陋彼百淫哇
彼歌此嘔喁質朴類田家區區未免俗白酒漬紅砂

和方子公童字

方生老爲客往往狎青童下馬揖平頭興發如飈風瘦骨戟野心一飲百餘鍾
微波照顛影線偶繫虛空十闌七負觥脫冠語篁叢從君文字飲辜負石榴紅

和小修掃字

禪客惡花繁引水植香艸迸階多子篁棲樹無凡鳥碎日搖空庭波紋如可掃
鸚鵡與鳧鷖自鄰自社保客來非習靜偶然合大道一味出林風銷盡諸塵抱
止酒但止甘聚朋先聚老

丘長孺自塞上來

百錢買得梨花春洗却并州馬上塵
萬里質田無售主一生知己是貧人
扶搖不肯吹飛絮尺水如何縱巨鱗
醉起彎弓猶一石清時羈縲老麒麟

夏日同江進之丘長孺黃平倩方子公家伯修小修集葡萄方丈以五月

江深艸閣

寒爲韻余得五字

落花點地成重五香翠熏泥粉沾雨買將安石伴
炎官鬼書未燥花先腐當窗一榻卷琉璃
下方五月吹寒楚姬公且自卻門檐茗椀漚花生白纒

二

下里詩人喚陽五酒腸窄窄無一縷空拳往往博歡場
如以孤羊角羣虎一蕉

入口卽槃珊浪言欲作糟丘主天幸酒伯多知音嵇阮賀李相推許鄼留豈必
解披堅不飲何妨建旗鼓

和丘長孺

藤蔭朵朵碎光白古寺閒房坐佳月白豕

丘善歌白所授也

曲子規如珠沉宮掉羽吹

香雪五言七言信手成刻霧裁風好肌骨筇根處處覓糟丘逸思迸如春草發
世人三十進愁鄉眼睛直視胸懷結天生蕩子慣窮途客囊冰冷心猶熱官旣
無門名不有爾縱不言我心折眼中知己盡青雲不能拔汝一毫髮七尺身材
五尺臂雕弓往往穿金鐵貧賤熬人亦自難許身何苦太高潔埋却中山十斛
臺獵盡掾天千里鵠射虎韞鷹一健兒無成何用空吻舌莫辭低頭拜大人翻
間勝下真豪傑

和小修

蕪州新酒白石缸空雲影澄
鴨頭江露梢千縷撲斜窗
黃笙藤枕夢吳艫葛絺
小眼如雲涼星河放教萬尺長

和方子公

酒困傷脾色暗沉
下馬呼水煎人參
皆云昨宵倦苦極
動以狂藥相規箴
須臾麝香撲鼻來
初猶矜持漸浸淫
尊隲疊決不可止
突若一羣狂猩猩
脫帽擲天呼石語
蒼旻不高海不深
至哉酒人天下樂
寧有醉死無醒生

和江進之

一尊相對嘆枯老
出囚人逢他鄉道
但令脫梏卽華津
寧論官高與官小
剡溪藤紙百匹長
渴驥驚蛇惟一掃
霜根忽地破東風
千山萬嶺生青草
閒水閒山

處處行刻盡雲烟與花鳥
娃宮胥廟武丘山
別後新函寄多少

和伯修

西風宵藤如宵索
急雨穿棚如穿幕
樹梢投地水濺珠
葛衫吹上毳盧閣
乍黑乍丹雲態多
驟寒驟煖天公瘡
熱席得雨亦快人
愁殺山僧賣花萼

和黃平倩平倩有文君盤出以行酒

臨邛酒壚卓氏盤
攜向禪堂醉裏看
橘皮蟹爪未足云
分明遠山秋水寒
殘膏剩馥沾唇吻
引得青娥入肺肝
世遠物微不可知
且欲借此爲樂端
百盤一吸無遺瀝
奔注有若順風湍
醉中逸思不可止
拔却老僧新竹竿
書空十丈作鳳字
平地躍躍飛生鸞

顯靈宮集諸公以城市山林爲韻

仙人傑閣俯王城
西山見雨北山晴
高雲直接薰爐氣
去宮百里聞鈴聲
古柏石幹青
虬枝烟綃千尺屋
十楹東邊柰子結
老友却憶往年梅客生

甲午冬客生曾致書小修以東城柰花晉陽菴大士及此中古柏爲老友

二

野花遮眼酒沾涕
塞耳愁聽新朝事
邸報束作一筐灰
朝衣典與栽花市
新詩日日千餘言
詩中無一憂民字
旁人道我真贖贖口
不能答指山翠
自從老杜得詩名
憂君愛國成兒戲
言旣無庸嘿不可
阮家那得不沉醉
眼底濃濃一杯春
勸于洛陽年少淚

三

琳宮高處見西山
濃翠隱約高低鬟
幾年桑孔筭雲烟
人間巒石無蒼顏
白雲

向我意潛潛欲從平地乞休閒東郊西隴皆官畝判取虛空任往還

四

松棚不關濃濃陰池沼不寬灑灑深賓朋不衆盡同心言語無多足知音三伏
自然消暑氣何用深山嘉樹林

顯靈宮夜歸

雲頭黯淡色如鐵撲衣打面旱沙熱六街潑墨氣騰騰幾點風燈鬼明滅鈴鐸
當當辨古寺走人衲僧蠶紙被墮瓦拋椽雨閣眉雷公腕脫車輪碎長風捲地
天吹坼一星透出層雲額馬蹄依舊逆衝颺炬火不光天路窄電光熠熠譜華
繪細如姬髮粗如繩雲山花鳥各呈態天女飛絲繡不成人言閃電是天笑天
翁何事頻歡叫嫦娥歸魄織女藏碩墨昏盲有何好北安門外水沉路溜點在

簷雨在樹果然隔轍分晴陰
雨師似亦相回護歸來門巷無燈燭
叱奴鞭婢旋
糞粥墨花一瀉滿吳箋
殘雨疎疎滴簷竹

酒正暄蕭君席上作蕭時居城外

酒正暄關吏言請君秣馬飾歸轅
巴川健兒豕成羣邀官挾吏通州門
逐虎怯
逐飛蚊倭刀吼室箭出韃東坊
西市榜明文不嚴軍律嚴司閤木門蒼琅根日
未昏斷行人

和江進之雜詠四首

山亭處處挈胡床不獨游忙睡亦忙
官况易消如暴水癡兒難長似黃楊
巖花
盛日求長假石榻開時見古方
擲却儒紳與巾子添將冰水注茶湯

盆池清淺薄苔封，弱竹叢叢个影重。
殘帙有芸猶被蠹，空闌無藥亦招蜂。
西山鬱鬱藜藜氣，講閣朝朝暮暮鐘。
箸葉數筐書尺五，界茶新寄自吳儂。

三

藤葉常懸四五葩，閒隨方罨過鄰家。
西廂托疾東廂假，南寺聽經北寺茶。
蝶老花闌如倦客，天清雲薄似飛紗。
姬衫典盡餅猶餒，學把緡錢托畫叉。

四

六尺莎階九尺廬，玄毫白楮任生疎。
花前屢泛擯，愁酒架上聊存引。
睡書蕪竹細紋如浪滑，吳綃寒緯似雲舒。
幽窗一枕騰騰去，煉佛求仙事摠虛。

丘長孺醉歌和黃平倩

廣陵細酒真珠沸，鬢花泱泱倒河渭。
研朱潑面火生肌，離身一里聞糟氣。
初如

渴驥奔鳴泉漸如怒虎吞鬪截乍如山石巖一絲又如雲絮泊空際須臾變幻
如偶見乍孤乍末恣俳戲又如分身作數人口耳心神不相制旋風着樹刺鉤
藤郭郎舞袖顛字口中牽絲舌力蹇千言不能達一義酒人諱醉強惺惺容貌
矜持禮法贅強將拜跪學常人不覺歛身落崖砌千扶萬擁不能支吻中微聞
呼白二簷溜丁丁滴到唇舉手推屋若辭醉一酣三日昏如泥駒聲吼若驚濤
至天然一幅渾沌圖人間械路爭迴避

白二丘
郎二丘
也

德勝橋水軒集諸公詩

西山去城五十里紫巘青澗見湖底一泓寒水半庭莎賺得白雲到城裏菱葉
濃濃遮雉朵野客登堂如登舫稻花水漬御池香槐風陣陣宮雲涼一番熱雨
聲波沸穿簷撲屋生荷氣乍時潑墨乍清澄雲容閃爍螭蛟戲簾波斜帶水條

烟北窗雨後夢清圓
兌將數斗惹仁酒
賃取山光不用錢

避雨崇國寺三日紀事

濕雲漲山雨不止一酣三日
葡萄底天公困雨如困醒
醉人渴飲似渴水東市
典書西典几團糟堆麩作城壘
明知無雨亦不行權將雨作題目
爾僕夫安眠
馬束尾大甕小甕來日起

吳人求別詩

聞名不識面勝于識面者未晤先惜別
形骸翻是假京師
沙磧場風光少秀冶
樂事盡輸吳薊酒獨難捨
空囊何所戀身輕等飛瓦
夜雨踏河風秋郊吳苑馬

節壽篇

爲蕭山沈令廣乘母夫人作

三十年藐諸一顧一嗚咽
淚濕瑣窗花紅紫也成雪
窮巷苦書聲孤缸語寒鐵

敝帙三五箱字字殷痕血垂老課兒官霜花冷白髮湘湖千頃蕁不敢餉兒姪
母貞益子廉源清者流潔辟如千霄筠稚筍亦高節翬錦落天花萬古冰潭熱
鄉邦傳盛事似作昔賢說試檢孀娥編女史難爲烈

又代作

立孤丈夫難何況婦也隻裏淚看零丁忍作山頭石塵窗閉孤影幾曾見天碧
夜雨絲絡聲窮巷丘軻籍尺楚起雛皇長風老勁翻五載蕭山令空齋類禪客
近雪無緇流何況霜自白

七月二十一日有憶偶題

霧月曉花啼柳冷鶯夢怯石枕刻相思穠香散幽帖清思如靜水紅從笑頰起
背燈換溽衣倩郎收瑤珥別淚浸蘭被恩愛等蟬翅銀筋撥香灰寫作天長字

塔燈繞層椽紅闌對大道昔時合歡場今見高塚艸楓根聞鬼語鄉音帶淮楚
淦淦女兒神吹作何山雨

伯修齋中同汪參知諸兄共譚

石瘦盆池情竹冷秋窗舊只數本蓼花亦復添幽艷賢朋三五人肝膽皆如面
寶月舍琉璃無心不可見摩礪若許年筐網增塵罽學道不出纏如以經加茜
辟諸生礦金渣汁少陶鍊毛孔薰旃檀龐公以爲鑑

秋日集江進之王以明方子公王章甫小修飲崇國寺分韻得邦字

露葉滴秋窗竹香入酒缸嬌青槐子破淺嫩菊丫雙石火增茶韻松音出梵腔
冥心眞契理甕裏有蓮邦

贈王以明納賞歸小竹林

讀書三十年何曾效一字九萬里衝風不能起蟬翅人間龍子藏天上司文睡
質書典青山勉就冬官例鳳老泣枯梧強作迴翔計低枝無偉巢聊減衝雲氣
擲巾簪筍皮脫衫買荷芰萬竹中棲身崖風吹遠唳銷心白傳詩遺老龐公偈
鐵錐題冷篁畫破千竿翠

十景園小集

一門復一門墻屏多于地俟家事整嚴樹亦分行次盆芳種種清金蟻及茉莉
蒼藤蔽檐楣楚楚千雲勢竹子千餘竿叢梢減青翠寒士依朱門索然無偉氣
鶴翎片片黃丹旗榜銀字綈錦裏文石翻作青山崇兌酒向東籬頽然索清醉
九日大慧寺登高遲家伯修黃平倩不至

蒼色滿諸巒如何獨自看閒僧四五衆丈石兩三盤白額題高塚紅衫度遠欄

北風浸骨冷端不似秋殘

崇國寺同王章甫小修看月

涼月白霜階光膩平于砥古木坐寒禽寫影空窗裏牙刀劈沉心雲母熏紅紙
茶罏藏古雲一葉寒吹起角燈抽紫焰凍花老瓶水滑波映琉璃一片冷光死
灰心伴夜禪寒獨吠行履

過通州

白舫綠油扉多時夢亦稀浪中丹雉見郭裏水禽飛古寺荒何代空楊瘦十圍

四年一帶水三度斷腸歸

時亡女附舟南歸
先爲亡姪及姪女

盤山道中嘲寶方死心寂子三和尚

筇節楞楞過頂顛偏衫口上繫胡珠雲中棕笠垂垂墮正好和驢寫作圖

宿千像寺東鐘刺史

詰曲歌嘔出李羣玉
皴秀瘦透出米元章

詰曲歌嘔路皴秀透瘦石飛巖繡鐵花螺子點雲額平生米南宮耽幽窮鬼跡
石根搜古雲踏遍秋空豁眼見新巒長映落巾幘貪看不知晚懸石布茵簾
回首神仙吏青嶂達門闔侍史朝焚香秋雲幾回白稜稜怪石供聊以施遊客

石雨洞

山僧問亦不知名凹處唯將腹背行石骨數卷泉一縷遊人多少只聞聲

入盤山

分明真山子的的有畫意風霜勻粉丹雲霞綴錦地一皴一百仞雕鏤入空際
瘦骨間青脂蒼勁有餘媚天紳秣頂垂僊藥披襠被虬松百萬株粘石無根蒂
峯峯有活石石挾仙氣一石置一山一山一點翠散作諸巒巖分身可千計

盤山頂

摩天抽碧簦俯不見鳥背西日照塔輪影落重邊外
峨髻瘦仙人玉冠蒼水佩
貌古骨奇青見者肅而拜浮空日翳雲足底呈光怪
或聚或披絲或舞或澎湃
千里聽風鈴飛花落羶塞一萍一青山一點一人界

遊天門開

發足自髻石灣還可四里一步一驚魂路荒不容趾
粘壁行刀脊下視深無底
狂鐸構虛空癡石綴癡瘡其沙生以墳其骨汗而泚
其艸油以絲其樹糟而圮
忽然磽确巖忽然崩騰水忽而沒九天忽而九淵起
健夫引長繩半日一移跬
四肢互相用臂行足以視或如鵬折身或如丁旋尾
或如殼出殼或如蟹引跪
又如研古繪虫蠹蝕絲理又如讀殷盤聲軋釘輿詭
當其快心意虛空躍繩妓

少焉筋力疲蚊虻撼犀兕鬚髮生烟嵐肌膚碎荆杞百苦到天門相對惟口哆
雙壁削青銅飛鳥不能止一匣銜古光方空如水洗陰陽工刻鑿霜雪恣摩砥
萬古貯雲霞石紋繡青紫敗桐蛇腹段古鈕鱗螭蝨詰曲史籀書斑駁硃砂藥
僧言三十年茲石未沾履往時戚將軍架空一遊此長老傳白猿今來猿亦死
是時七月初寒肌如粟子引指人人危回身面面鬼歸來問僮僕髭鬚白餘幾
破網取珊瑚判命競奇傀

戲贈死心和尙死心以秀才出家

原名
文煒

鐵城焰裏熱忙身幾人能擲頭上巾題將百八金剛子辭却東家老聖人少年
意氣非等閒精悍之色在眉間鑿取魚腸一匣水鑄作胡僧雙耳環往年湖上
逢開士藻月規烟說文煒但知北海是大兒誰識南宗印真子海內學士聞行

履半說顛狂半驚死東方先生代解嘲秀字何妨豎却尾瘦巖百尺突寒松冰
谷千年貯古水落花紅洗入溪瀾請看風吹起不起

寒溪道中

空巖着古花石路水紋斜瘦野多耘棗桑門屢餉茶逢人皆說早上馬但愁沙
匝地誅求盡孤雲也失家

贈大宗長老

髭髮茁霜根精神出骨上能令見者心自發幽巖想西山萬螺青得意即孤往
履嶮若平陂寬衣不持杖道逢破衲人長跪必合掌除却身口外一銖無餘鏹
經行達曙鷄念珠長五丈淨月含寶瓶徹底皆澄朗

入紅螺嶮道中紀事

山風吹曉作新嵐仙夢茫茫古石龕欲識死生情切處棺材峯上卓茆菴

山上有棺材峯

二

田家打棗婦盈畝高髻垂肩竿在手此是六郎繫馬椿郎君未審停鞭否

三

葫蘆棚下水平錢古戍遺屯記宛然馬市時來今幾載邊烽堡裏宿枯禪

初入紅螺嶼

鑿天出古空意匠窮刻露贖取長吉魂幻作鬼工賦霜巖透斑鏤石骨竦清怒
歷劫至于今彫鏤不曾住無石不巧心轉彫殘態度一種老健中自發嫵媚趣
陰巘夾琉璃飛仄窳仙步一死直青山梯足干懸樹

月夜登良鄉塔岡與子公諸友作別

秋山漱漱滴青霧城外人家城裏樹白埃一道衝紅亭正是馬蹄離別處荒垣
殘葉幾家村千厓洗盡月波痕鄉關十路九貂虎未知托鉢向何門驚禽一羽
分煙去雲樹沉沉安可論

涇陽驛見王子聲壁間韻愴然有述

只合臨漳死曹家鬼好文楓根猶有繡夜壑豈無春研乞銅臺瓦姻求洛浦甄
歌遺塗粉客衣逐賣香人客鬼輕殘蛻騷宮重楚魂死生且晝理夜樂勝朝攀
真定大悲閣同王六字年兄及小修弟登覽有述

一盤三十級低窗平鳥翅空裏約數盤始盡金色臂碑文深蘚痕歷歷隋唐字
樹老北朝根霜繡生古翠飛題接綺疏斑駁有奇緻圖古不鬪鮮真丹無兩寺

憑虛弔古人觸眼傷新事擁髀一談空稍蠲憂時淚憶初直省時把手青卿地
光華若春條白面青絲髻塵土十年餘鬣毛添老頰面皮堆浪紋陰憂如有蒂
少年可喜譚入口皆無味相逢低兩眉但訴歸林計蓮花求主人長誓作兄弟
沐猴暫衣冠了却開箱戲

趙州觀水壁憶真際和尚

幻士幻入水三昧搏取天河作手戲跳珠迴沫五尺餘一城艸木掀濤勢古佛
堂前柏樹子半裂空心半髡死荒簷龍鍾幾病僧日暮空垣拾菌耳堂頭老像
如冰冷寒碑月寫風枝影石欄獅子向東啼夜深喚却虛空醒

過黃梁祠

一掠青絲鏡面垂朱題銀額呂仙祠饒他壽盡塵沙劫只是黃梁未醒時

不脫陰區苦奈何仙官塵侶不爭多人間惟有李長吉解與神仙作輓歌

叢臺

夢繞陌花薰殘宮沒野耘秋空叱鳳淚陰谷女龍雲古水空沉照飛蛾每化裙
苔封埋半碣斑剝有遺文

繁臺張昭甫給諫竹居王孫邀飲留別

白果青蔬勞遠程高臺傾矣曲池平沙田似雪耘枯塚柿子如丹綴土城古蹟
有無遺宋嶽監門應否識侯生欲知別後愁多少試檢霜毛添幾莖

宿朱仙鎮

秋高夜鐸冷空庭艸木猶疑戰鐵腥地下九哥今悔不六陵花鳥哭冬青

二

羯胡歲歲括金錢稱姪稱臣也枉然馬角不生龍蛻冷酸心直到犬兒年

三

青驄挽斷綠楊絲寒食西湖祭酒時第六橋頭香十里桃花風起疊琉璃

四

祠前簫鼓賽如雲茹泣爭劔弔古文一等英雄含恨死幾時論定曲將軍

野史載曲端事甚烈



第1.20